

Jubiläum Hüze-Guuger Zell

02.03.2019

Völlig usgeschlofe u erholt vom Vorobe simer am Samschti am 11i im Üebigsruum ihtrudlet zum Schminke. Wo du aui grünen si gsi, heimer üs ufe weg nach Zell gmacht. Z Zell heimer üs bim Ahhänger troffe. Womer när aui üser Instrument hei gfasst simer richtig Umzugsstart gloffe.

Bevor mir zu üsem Plätzli si gange heimer nomou e Pipi-, Hunger-, Durstpouse ihgleit. Da mir z numero 35 vo 43 si gsi, heimer no recht lang müesse warte. So im Schatte isches schono früsch gsi u darum hei die fittische vo üs es Liegistüz-Battle gmacht. Tanja het leider niso e chance gha gege Michu. Bim ihstoh füre Umzug hei mir festgsteut, das hinger üs e gruppe Wäspi uf Vespas si gsi. Die si üs ziemli um d Ohre gfahre, was üs eher weniger begeisteret het. Dr Umzug säuber isch aber guet gloffe. Mit üsem Verpflegigsbon heimer nachem Umzug chönne go zwöi Würstli u e bitz Brot reiche. Bis zu üsem Uftritt heimer chli d Sunne gnosse und üs uf d suechi vo Neueli gmacht. Am viertu ab 7ni heimer üse Uftritt im Zelt gha. Es isch richtig e geile Uftritt gsi. Z Publikum het richtig mitgfiiret u freud gha. Die 15 Minute womer zur verfüegig hei gha, si mega schnäu verbii gange. Mir hei dr «Fluech» vo de schlechte Uftritte z Zell broche! 😊 Nachem Uftritt simer d Instrument go Verlade u när het me individuell chönne dr Obe gstalte. Döu si hei u döu angeri si no e chli blibe. Es isch e tolle Tag gsi.

By Lara Spiering